



03. september 2020

Inatsisartut Suleriusaanni § 37 immikkoortoq 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqqutit:

1. Naalackersuisut oqaatigisinnaavaat Illersornissaqarfiup Isertortumik Paasiniaasartoqarfiani suliami pineqartumi kalaallit innuttaasut pillugit inatsisinik unioqqutitsilluni tusarnaartoqartarsimansoq aammalu/imaluunniit eqqunngitsumik paasissutissanik pissarsiniartoqartarsimansoq?
2. Qanoq annertutigisumik Kalaallit Nunaat kalaallillu aaqqissuussaasumik danskisut innuttaassusillit pillugit inatsisinik unioqqutitsilluni paasissutissanik aallarfigineqartarsimappat ingerlatitseqqittoqartarlunilu?
3. Naalackersuisut ilisimatitsissutigisinnaavaat paasissutissat suut Illersornissaqarfiup Isertortumik Paasiniaasartoqarfiata Kalaallit Nunaannut attuumassuteqarsinnaasut toqqortarsimanagerai?
4. Qanoq annertutigisumik Naalackersuisut Illersornissaqarfiup Isertortumik Paasiniaasartoqarfianut tunngasumi suliami ilisimatinneqarsimappat?
5. Naalackersuisut suliami pineqartumi qanoq iliuseqalersaarpap?
6. Naalackersuisut qulakkeerniarsimavaat nunatsinni atorfilittat, qinikkat imaluunniit innuttaasut pillugit sulianik akuusoqarnersoq, taakkulu paasissutissat eqqunngitsumik pissarsiarineqarsimasut pillugit ilisimatinneqarsimanngitsunik?
7. Illersornissaqarfiup Isertortumik Paasiniaasartoqarfiata nunatsinni innuttaasut sammineqartigippat?
8. Inatsisartut Isertortumik Paasiniaasartoqarfinnut Nakkutilliisunut ilisimatinneqartarnissaat akuutinneqartarnissaallu qulakkeerniarlugu qanoq iliuseqartoqassava?
 - a. Tamatumuuna nunarput periarfissaqarpa malinnaatinneqartarnissaminik?

Nunatta Qitornai

Inatsisartuni



Tunngavilersuutit:

Illersornissaqarfiup Isertortumik Paasiniaasartoqarfiani paatsiveeruttoqarluinnarnera pillugu.

Illersornissaqarfiup Isertortumik Paasiniaasartoqarfiani pissutsit qulaajaavigineqarneranni paasinarpoq danskisut innuttaasuseqartut pisinnaatitaaffiinik innarliisoqarsimasoq tusagassiorfinni issuarneqartaqattaarpoq. Tassunga atatillugu apeqqutit arlallit saqqummerput.

Nunatta Qitornaasa Isertortumik Paasiniaasartoqarfinnut Nakkutilliisut pillugit ilisimatitsisoqartar-nissaa kisimi atuutissappat naammaginngilaat, tassami nunarput, innuttavut suliffeqarfiutivullu pil-lugit suliaqartoqarpat nunatsinniit akuusoqartariaqarpoq. Tamanna aatsaat anguneqarsinnaavoq suleqatigiiffiit aalajangersimalluinnartumik aaqqissugaasut aqqutigalugit, tassanilu Inatsisartut nu-narput innuttaalu pillugit suliaqartoqartillugu akuutinneqartariaqarput.

Ullut suliffiusut qulit iluanni akineqarnissara inussiarnersumik piumasaqaatigaara.

Inussiarnersumik inuulluaqqusillunga

Aleqa Hammond
Inatsisartunut ilaasortaq